



Baština Akademije nauka i umjetnosti Bosne i Hercegovine

**Simpozijum Bespravna stambena izgradnja i njen
odraz na funkcionalni i prostorni razvoj gradova u
Bosni i Hercegovini: 16. i 17. decembar 1971. godine**

Finci, Jahiel

1972

Akademija nauka i umjetnosti Bosne i Hercegovine

<https://bastina.anubih.ba/items/580fad4d-6e49-4223-b461-4ddd89fdcb92>

Preuzeto s Baštine Akademije nauka i umjetnosti Bosne i Hercegovine

<https://bastina.anubih.ba/>

AKADEMIJA NAUKA I UMJETNOSTI BOSNE I HERCEGOVINE

POSEBNA IZDANJA

KNJIGA XX

ODJELJENJE TEHNIČKIH NAUKA

KNJIGA 4.

SIMPOZIJUM

BESPRAVNA STAMBENA IZGRADNJA I NJEN ODRAZ NA FUNKCIONALNI I PROSTORNI RAZVOJ GRADOVA U BOSNI I HERCEGOVINI

16. i 17. decembra 1971. godine



Urednik
JAHIEL FINCI,
redovni član Akademije nauka i umjetnosti
Bosne i Hercegovine

SARAJEVO

1972

POZDRAVNA RIJEČ AKADEMIKA JULIJA HAHAMOVICA

Povodom otvaranja ovog Simpozijuma o bespravnoj stambenoj izgradnji i njenom odrazu na funkcionalni i prostorni razvoj gradova u Bosni i Hercegovini — čast mi je da u ime Predsjedništva Akademije nauka i umjetnosti Bosne i Hercegovine pozdravim sve učesnike Simpozijuma, sve goste i prisutne članove Akademije.

Simpozijum koji će se danas i sutra održati u ovoj sali pripreman je po zadatku Odjeljenja tehničkih nauka ove Akademije oko dvije godine. Zaključak o njegovom održavanju proizilazi iz zaključka konsultativnog sastanka održanog 22. oktobra 1969. godine, koji je imao cilj da utvrdi raspoloženje i stepen zainteresovanosti u redovima odgovarajućih stručnih institucija i ličnosti za rješavanje ovog vrlo akutnog i složenog društvenog problema u okviru zadataka ove visoke naučne institucije. Odjek naše inicijative bio je tada pozitivan, što je dalo Akademiji podršku za donošenje odluke o daljem angažovanju na ovom radu i za formiranje Organizacionog odbora, sa ciljem da pripremi održavanje ovog Simpozijuma.

Još tada je ukazivano na to da je u pitanju kompleksan savremeni problem, koji ima svoj pravni aspekt, po kome je stvar tretirana, ali za koji se pokazalo kao neodrživo da se rješava samo po navedenom osnovu. Pokazalo se, naime, da ovo pitanje zadire u bitne interese iz oblasti ekonomike, sociologije i politologije, pored toga što je usko povezano sa problematikom savremenog urbanizma i druge tehnike. Tu je upravo nauka pozvana da, koordinirajući komponente iz svih tangiranih oblasti, razmotri problem u cjelini, da ga raspravi i ocijeni, da ga predstavi odgovornim društvenim faktorima i da dâ preporuke od značaja za društvenu zajednicu.

U vremenu koje nas dijeli od pomenutog sastanka vršene su dalje konsultacije i donijete su dalje odluke na osnovu prijedloga i inicijative Organizacionog odbora na čelu sa akademikom Fincijem. Ovo je dovelo, najзад, do današnjeg skupa, na kojem treba da se, na osnovu pripremljenih referata četrnaestorice naših vrlo uglednih stručnjaka iz nauke i prakse i odgovarajuće diskusije, dâ dostojan naučni doprinos na planu kako pravilnijeg i racionalnijeg, tako i tehnički i pravno određenog pristupa ka praktičnom rješavanju odgovarajućih konkretnih pitanja.

Ovaj postupak i ovaj put naučnog rješavanja inače je na liniji koja je od strane naše Akademije, a posebno od Odjeljenja tehničkih nauka, u posljednje vrijeme usvojena prilikom tretiranja i naučne obrade analognе kompleksne problematike. U okrilju Akademije problematika se iznosi pred širi naučno i stručno kompetentan forum u cilju razmatranja i ocjene. U ovom smislu Odjeljenje je u svoj srednjoročni plan razvoja, između ostalog, unijelo i stvaranje specijalnog odbora za pitanje uređenja prostora i zaštite čovjekove sredine. Članovi ovog odbora, odnosno eventualnih njegovih komisija bile bi, pored određenih članova ANU, te saradnika Akademije, takođe i druge istaknute ličnosti sa područja nauke i struke.

Zahvaljujući svim referentima i svim ličnostima zaduženim za pripremanje ovog naučnog skupa na uloženom trudu i dobroj volji, ja ih u ime Predsjedništva ove naučne ustanove i njenog Odjeljenja tehničkih nauka molim da ovom za društvo i nauku značajnom problemu i dalje posvete svoje interesovanje i time pomognu da se u okviru ANU BiH stvori jedna interna institucija, kompetentna za razmatranje i proučavanje suštinskih tendencija koje se na ovom polju javljaju u svijetu i kod nas, da ih ocjenjuje sa gledišta naših potreba i zadataka i da, prema potrebi, upoznaje mjerodavne stručne i društvene faktore sa mogućnim konsekvencijama ovih kretanja ukoliko su od neposrednog interesa za našu zemlju i nauku. Ove riječi i misli, koje sam bio slobodan da vam iznesem, stoje u pomenutom prijedlogu srednjoročnog plana razvoja Odjeljenja tehničkih nauka naše Akademije, i ukazuju na jedan od krupnih i značajnih zadataka našeg Odjeljenja u narednom periodu.

